

桃源縣志

同治八年修

桃源縣志

修桃源縣志序

予嘗供職宗府兩遇

玉牒重修誠以

聖聖相承宗支繁衍若不十年一修則後
先兩歧碍難適從也因思民間家
譜固不敢上儼

天潢而各邑之乘應越十數年一修庶
可仰副家國一體之意洵千載一
時也前丁巳歲予宰桂郡南平亦
嘗為之耿耿奈干戈未靖年復一
年未果歲丙寅調任茲邑彼時前
任余公鎮垣奉

上憲勅令修理事未舉行遽爾交卸予接篆仍會同余公延本邑孝廉沙君明焯郭君世嶽主稿隨取舊志詳閱自前任譚公篋園撰修數載始成迄今四十餘年屢議續修旋復中止乃知經始之不易爰

集邑紳楊沅棟等分纂並諭各紳四鄉採訪捐貲若干甫及一週告厥成功所有山水人物風土民情前志載之詳矣無俟再贅但自軍興以來忠烈遞出如文君澍堂高君翼之胡君雲巖皆卓卓可紀他

若端人正士以及節孝貞義正復
多人如不登諸邑乘吾恐渝久或
忘終歸湮沒奚以為一邑風茲於
有益世道人心足備輶軒之採者
靡不據實而詳錄之書成邦人士
咸稱快焉且適與予之初志相符

因特誌之以待參考是為序

欽加運同銜大計卓異題補乾州直隸
軍民府知桃源縣事加十級紀錄
五次羅行楷子模氏譔並書

序

邑之有志猶國之有史史所
紀錄總謂之志如周官小史
掌邦國之志外史掌四方之
志是已我

國家文物昌明典章燦著取

桃源縣志

序

一

縣志而薈萃之則有省志有
大清一統志邑志之修誠不

容緩矣戊辰孟夏余履司
鐸任與諸紳士相見始知
桃源縣志自道光辛巳續
修後玉今四十餘年其山

川風土宦績人物文學武功
以及忠義孝友節烈隱逸
時遞嬗而事遞增歲丙寅
邑侯子模司馬甫下車興利
剔弊教化一新簿書之暇
尤以續脩縣志為急務進

紳士彙而集之越年餘書
成董事等以叙為請余竊
惟志之脩也非為民父母
者留心政治稽考文獻之
大全率視為無關體要而
不肯修在身任纂輯之責

者又非穿貫古今囊括史冊
兼才學識三長即脩焉而
議論敘述之間亦未能自
成典則今取其書而覽之
博採舊聞織忠畢備異日
省志底本即以是為之基

焉方今

聖天子聲教暨訖遐邇同風不
益見信而有徵哉爰書以
弁其端

欽加升銜揀選知縣道光己酉科舉
人常德府桃源縣教諭曹鈞撰

序

自古帝王代興宗廟朝廷諸大
典禮樂兵農教大政與一切紀綱
注度莫不有史以傳之蓋夫體例
典史同而覽山川按圖籍攷核風
土人情瞭如指掌則又重有賴於

桃源縣志

序

一

國

志焉桃源縣志前明萬曆時修之
朝康熙雍正時修之道光元年邑
侯譚篔園先生又修之迄今四十
餘年其間人才輩出民氣啟靡
與夫農田學校不無增益忠孝節
烈猶待表揚及今不輯懼年湮代

速將散佚而不可復收也邑人士
懷此慮者亦有年歲丙寅秋七
月羅公子模司馬以卓異奉

命尹首邑甫下車問民疾苦首以息
訟相示諭繼乃進紳耆於庭而
語之曰養民教民司牧責也今者

社穀儲凶荒備矣而縣志不修其
何以示勸懲昭法守紳耆曰唯
於是選公正士勸城鄉捐模翁
司馬以楚北名儒為湘南循吏公
餘之暇總纂修事始於丙寅歲三
十月告成於戊辰三月遠稽

近考博采士大夫私家著述故老傳
說磊落乎耳目磅礴乎骨髓一經
刪定因洋洄於吏治之得失風氣
之純駁民力物力之盛衰抑比經
緯馳騁往復分門別類燦然大
備洵可以信今而傳後也豈不懿

歟猶憶予司鐸此邑載於昔嘗
因公至鄉歷諸勝地見夫田疇井然
廬舍蔚然垂髫黃髮雞犬桑麻
宛若淵明記中古風行存令人
低徊留不能去謂之仙源者以
此方今

聖天子作人雅化累代相承又得
賢司牧振興文教俾士人薰陶其
德行涵泳其氣質本學問發為
文章將見科名鼎盛當必有致
身通顯勳高德懋益增邑乘之
光者是又可為仙源預卜也爰敬

為之序

勅授修職郎

國子監典簿銜桃源

縣學訓導唐正麟寓吾氏撰

桃源縣志纂修姓氏

主修

欽加運同銜大計卓異題補乾州直隸軍民府知桃源縣事加十級紀錄五次羅行楷湖北人

經始

欽加同知銜補用清軍府前任桃源縣知縣余堅江西人

同修

桃源縣教諭曹鈞安徽人

桃源縣訓導唐正麟沅陵人

纂修

犬挑一等實授廣西恭城縣知縣道光庚子科舉人沙明焯邑人

揀選知縣補行壬子乙卯科亞元郭世嶽邑人

桃源縣志 卷之首 纂修姓氏 一

分纂

即補訓導歲貢生楊沅棟

廩生程啟甲

總校

生員熊文斌

增生龍正驤

廩貢生朱昌運

廩貢生胡士彥

廩生李雲華

增生高梧

廩生沙壽琳

監修

鄭家司巡

檢周浩江
浙江人

新家司巡

檢曹汝湘
四川人

理問銜候選縣

丞李光桓
藍山人

儘先選用從

九余希點
湖北人

欽賜監翎試用從九候補縣丞

劉榮慶
浙江人

監梓

桃源縣典

史孫銓
浙江人

督刊

駐防把

總劉堃
鎮算人

分校

桃源縣志

卷之首

纂修姓氏

二

廩生文世粉

附貢生陳燮南

廩生周國光

生員陶際唐

生員馮世霖

採訪

即補教諭道光乙未科舉人許文典

孝廉方正即補訓導歲貢生龍縉

即補教諭廩貢生皇甫英

即補訓導廩貢生鄒震南

甲子科舉人高振業

甲子科舉人鄒超南

同知銜候補知縣楊學勤

揀選知縣湛銘宗

保舉訓導向文奎

候選訓導熊起渭

衛守備銜皇甫蓮

廩貢余汝昌

附貢沙光陞

附貢李騰輝

附貢魏世堅

廩生朱世錦

桃源縣志

卷之首

纂修姓氏

三

廩生梅毓培

廩生童祉鈞

廩生胡成績

生張南魁

生藍世哲

生周邦光

生姚湘雲

生張培道

生熊汝璜

生饒之炳

生員燕序璋

生

員朱麟昌

生

員楊宗禧

生

員趙朝勳

生

員方丙奎

生

員程振嵩

生

員宋業鉉

生

員李舒甲

生

員陳德溢

生

員陳德進

生

員皇甫天民

生

員童中杰

桃源縣志

卷之首

纂修姓氏

四

生

員萬邦貞

生

員鍾逢遴

生

員龍正翼

生

員涂自明

生

員高 達

生

員熊南瑞

生

員江超南

生

員羅文翰

生

員許 成

監

生沙興周

監

生鄧丙南

童

生江漱城

生

員劉相之

生

員劉開遴

生

員楊宗烈

生

員張玉彬

生

員高振霖

廩

生劉鴻翥

廩

生楊逢泰

廩

生龍尙瀾

生

員朱鳴盛

生

員馬昺寅

桃源縣志

卷之首

纂修姓氏

五

生

員羅南沅

生

員張大澍

生

員羅為霖

運

同銜即補清軍

府姚定安

按

照磨廳候補縣

丞吳國光

候

補州

同張玉澍

校刊

即補訓導

歲貢

生楊沅棟

廩

生程啟甲

增

生龍正驤

理局

生

員熊文斌

廩

貢

生朱昌運

附

貢

生陳燮南

廩

生李雲華

繕寫

生

員龔承浚

童

生程廷穆

童

生燕序珠

繪圖

監

生羅炳

承辦册案

桃源縣志

卷之首

纂修姓氏

六

禮

書鄧正清

學

書莫允升

刊刻

梓

人顧懋源

王元杰

原修姓氏并序

明萬曆初年纂修

天啟三年補刻姓氏序跋
俱無考

國朝

李彪白抄本

康熙四年乙巳

主修 知縣陳洪範

纂輯 邑人羅人琮

序一

修桃源縣志書成蓋屬草者紳羅君人琮省成者令陳君洪範也剗劂既竣俾掌故呈書示余且請爲序余讀

桃源縣志

卷首

原序

一

既卒業作而歎曰令若紳豈不誠賢乎哉夫禹貢不傳則九州之土宜不辨周禮不紀則六官之職守不明是以周衰諸侯皆去柱下之籍漢興賢相先收秦府之圖志之所係若是其重也今桃邑當干戈爛漫之餘百度彫劫之日戶口之流亡未集賦稅之冗雜未清而首以稽古爲事俾一邑之文獻斐然皆得以考其源流徵其興廢豈不爲知先務哉夫縣之有志譬之琴奕之譜善爲二藝者得心應手固不盡由於譜然而循繩引墨非譜無以致其工爲縣者時勢異宜先後異績亦不能盡合於志而志之所載人物賢愚之跡禮俗豐儉之因民賦損益之端文質盛衰之故可以觀而得其大槩之所

存前有作者固可爲來茲之法戒後有作者亦不能外先哲之典型則斯志也烏可以已余蓋有志於闡郡之志矣緣師旅煩興日不遑給是爲閣筆而兩君勤勤茲舉誠有先獲我心者抑余因是而感焉桃源舊屬武陵其以是得名縣也以避秦人傳也余嘗以使輶之暇造其幽邃如淵明所記者亦屢喧遊人之屐矣卽所云田池雞犬縣令今得問其肥瘠驗其稔歉而籍征之矣使再有苛政深山絕壁更在何處復得飄然以去也然則爲治於斯者顧名思義可以瞿然深省哉與其使吾民避而疑仙以長子孫付漢晉於不知何如使吾民還而爲氓以長子孫歌帝力之何有歟近悅遠來夫子所以

桃源縣志

卷首

原序

二

諗楚吏也吾亦欲舉以告今之爲楚吏者因序志而及之分巡湖北道湖廣布政司叅議兼按察司副使延陵陳士本譔

序二

天下固有一事焉置之若以爲迂闊而遠於事情存之則輻重而有裨於政治者邑之有志是也昔孔子雖從周而文必取監於二代又每於夏殷之禮致憾於文獻之不足非獨儒者今人與居古人與稽以是徵宏雅也惟夫吏治之得失風俗之淳漓人物之臧否禮樂之興廢或數十年而一變或百年而一變前有爲傳後有爲繼則志之所爲不可緩也桃源故屬武陵其得令名則

以淵明記漁人事始謂之仙邑創爲志者遠不可考已
自萬歷年間修志後遂絕筆物之將衰也必先稿其華
國之將衰也必先毀其制豈不信夫

清興二十有餘載事之從新者多矣未有奮牘而書者值
夫兵燹頻仍瘡痍未蘇咨嘆未息雖郡乘亦闕焉而茂
宰樵李陳君獨能勤於是舉其用意深遠視夫沾沾以
簿書期會爲能盡職者何啻登泰岱而俯培塿汎溟渤
而笑埒井哉然非獨令之賢也邑之聞人羅君紫蘿氏
實司鉛槧羅君以丑闡名魁受銓注歸讀書山中二酉
之藏搜撫幾盡是爲捃拾遺文包羅散帙以成茲不朽
之業而令君獲之若瓌寶在抱不肯讓人亦不欲掩其

桃源縣志

卷首

原序

三

光怪遂授之梓天之將興斯文歟何紳與令有磁鐵之
應水乳之合也由此而知令之虛己從人其相與以成
善治也有如此志已志中詩歌起自馬伏波記傳起自
陶靖節代有名人讀之若披雯霞展縟錦具子驥之懷
抱者雖微問津恍已置身桃花流水間矣喜書數語以
繫其後

賜進士出身湖廣常德府推官淮南潘滋樹佑人氏題

序三

文學而切於吏治者非郡邑之志歟其山川險易足以
覘登涉之憂喜卽以覘政事之得失矣若夫人物臧否
古今勸懲之所寓也農田水利戶口賦役其興革繁簡

又司牧者之鑒視存焉歷代統一區宇必命史氏叅訂方輿以垂示宏業而邑志實基其始分之而各志其志然後合之而統一其志志之關於吏治詎不重歟桃夙號仙邑古人望此以避世乃余自

今上癸卯冬來令茲土值二十年鋒鏑之餘尙有遠近之遺孽未淨化儻之寤愾盈途一切奇勝靈幻之迹觸目俱成愁境不踰年而邀

朝廷之福耆定永清又賴上臺指誨治術緩賦均徭舉二十年萇楚之歌漸成鴻飛百堵向之觸目成愁者又覺奇勝靈幻種種桑麻雞犬之色復堪動人欣慕矣夫同此山川而憂喜頓易則存名徵實凡耳目所不能周寧

桃源縣志

卷首

原序

四

得不求之記載况乎臧否勸懲興革繁簡非稽諸典故烏得云師心自用暗合古人也余簿書叢沓中恆畱心以購遺志而故家遺俗淪亡殆盡求諸野老亦鮮有存焉者忽一日訪之紫蘿先生如在孔壁中聞金石絲竹之響出其頻年遷徙往來所懷抱不釋之抄志而共商剗余深幸得所鑒視以副余不敢師心自用之志乃猶以吏事濡遲未遽登梓會上臺以西事旣平勤修文獻檄行全楚而桃以夙稱仙邑多奇勝靈幻之故尤孜孜下詢遂毅然鳩工與紫蘿氏共相竟業要其博搜旁採斟酌損益則盡屬紫蘿氏之功余不敢攘竊惟是案牘紛擾中恆存此以自鏡則所謂吏治文學之相關誠

區區素志云耳書成爰敬爲之序知縣樵李陳洪範題
序四

郡邑莫不有志蓋昉於班固之志地理所以綜攬前聞
徵信當代也明成化中詔儒臣纂修一統志囊括稱盛
然皆於郡自爲紀邑自爲載者取之郡主合邑主專合
主簡專主詳惟專且詳張本具矣故邑志尤重若乃合
計天下之邑山川人物有平奇多寡之不同邑亦因之
以分甲乙焉而鋪張塗飾之弊起後之覽者循文考實
什一不符則妄什二三不符則愈妄誰操寸管將所爲
直道良史古今人真不相及歟余邑舊志成於萬曆初
年其後無所記識又兵燹遞加天啟三年補刻復多殘

桃源縣志

卷首

原序

五

缺慮此殘缺僅存之帙終不可必使高人尋幽訪勝博
士稽蹟覈名輶軒觀風問俗循良察利究善罔弗望洋
而嘆勸懲無所著觀感無所由吾鄙之責其何能辭余
假旋逾年閉戶冥搜抱膝孤唸念此耿耿用是經營舊
志條其錯亂補其散失去其繁蕪訂其差譌添載數十
年之逸事哀集古今名人之詩文旁搜遠覽僅乃成書
至於山川靈幻古今豔稱人物瑰奇譚言色起標蹟必
備嘉善弗阿匪敢貽譏庶幾近實適會邑侯陳公涵虛
銳意振興百廢漸舉爰徵文獻捐俸付梓遂稱美觀
本朝幅員加廣遠過勝國文教宣訖霞布雲蒸必將表統
御之盛擴明志所未及石渠天錄之間濟濟皇皇土壤

細流誰無同心又寧獨余輩念此耿耿已哉邑人羅人
琮紫蘿氏題於最古園

康熙二十四年乙丑

主修 知縣汪 虬

纂修 邑人羅人琮

同編 邑人羅天經緯

序一

夏后正域輒有禹貢周官辨土用載職方帝王遞興紀
載不一要皆考正疆索刊定圖籍所以奠中邦而大一
統也然九州異宜四方殊尚誌志風土端自郡始我
朝自

桃源縣志

卷首

原序

六

世祖章皇帝定鼎以來東西漸被朔南暨訖幅幘之廣前代莫
京順治中業

命天下郡邑纂修志及我

皇上嗣統梯航之俗盡入版圖鞅譯之區咸歸正朔於是
申命天下郡邑搜集勝朝逸事以備合志一統之資時余備
員楚屬之桃源督修之檄屢下而遲遲未卽竣事者緣
楚南地當僻隅

國初歸誠既後中間又爲尉陀逆命盤踞歷年兵燹洊加
文獻無徵而詢之故老訪之傳聞又百不得什一紫蘿
先生邑博雅君子也烽煙搶攘之餘獨抱其與前令陳
君共修舊志藏之深山僭亂削平陵谷遷改而此冊巋

然如魯靈光獨存於是出諸枕秘抄授一冊因與刪繁訂要考信闕疑殘缺者補失次者序舉凡建置之沿革時政之得失土田之墾蕪戶口之凋聚以及習尚淳漓人物盛衰靡不開卷瞭然而志之有關於吏治者具矣他如孝子順孫義夫節婦名宦鄉賢緇流羽士有善必錄無微弗著而志之有關於風教者具矣乃若山川名勝所在都有而最著者無過秦人一洞自魏晉以下遊屐屢喧故名人韻士題詠尤多於是詩歌自伏波以下傳記自靖節以下悉採入志中以資輶軒問俗之奇而志之有裨於登涉者具矣至於訪求典故搜輯遺聞折衷前疑潤色時義則羅君紫蘿實司鉛槧余不敏僅考其成而已抑余猶有說焉方今

聖天子畱心民瘼

各上憲加意撫綏宜桃民家可給而戶可封乃瘡痍猶未卽起流亡猶未卽復者何也蓋桃本荒僻加以蹂躪譬之疴羸病發之人元氣殆盡善爲醫者不必投以參苓但優游饜飶以養其腸胃則民氣可得而調矣若復攻之以鍼灸投之以砒礮吾恐治之愈急而病將日益甚而不可救藥休養生息之道是在官茲土者優游而饜飶之桃民其庶有瘳乎因志成授梓敬述數言於簡端用是自矢且以遺諸後賢云

賜進士出身知縣天都汪虬鳳麓氏撰

序二

志異乎史而與史並列蓋始於禹貢詳於周禮班固以下遞相祖述郡邑之志卽職方所掌也史記事明是非定賞罰志則記其沿革疆域山川古蹟財賦土俗治亂災祥政績人物節孝文章雖耑稱志史之道實式備之操筆者苟輕其事踏駁牴牾譌舛挂漏使覽者遺憾其何以觀焉桃彈丸邑耳爲避秦故處頗多名勝海內豔慕邑乘視他屬爲重

國初兵燹頻仍萬厯初年所編存者什僅一二余旁搜遠覽蒐葺往略添續遺蹤訂正差錯改易咙雜眾條畢舉一日瞭然會邑侯陳君授梓遂成完書謬爲遠近嘉許

桃源縣志

卷首

原序

八

復值滇逆之變原板灰燼今

皇上治定功成振興文教

命儒臣纂修一統志爰徵直省通志下索郡縣僅以抄本應檄魯魚亥豕脫誤頗多頃 當事畱意獻典檄催增修邑侯汪君鳳麓見訪於余余固謝絕一切幾於草木忘情筆墨之務自關夙緣况係舊纂尤無容辭於是更加損益斟酌見聞繼著二十年內所未備汪君復以長才邃學重加校訂仍爲四卷捐費選工數月卒業此蓋興舉廢墜得於政通人和之餘至於保殘守缺討論潤色之未盡誰司鉛槧余愧實甚抑余嘗有志勝國之史矣覽季世諸野乘及通紀廣彙紀等書揆所耳目合之何

論其間比擬非倫毀譽失真彼此易事前後鮮據往往有之豈非徇朋黨之意挾愛憎之私憑譽墓之虛文信傳聞之臆說乎推之往代所稱董狐良史洵難共人彈丸雖小載籍匪輕居今監古真贗直枉之辨能無凜然賜進士原任四川道監察御史邑人羅人琮紫蘿甫題於最古園之涉趣亭

雍正七年己酉

主修 知縣王良弼

纂修 邑人文 曙

同編 邑人羅天緒
熊逢吉

序一

桃源縣志

卷首

原序

九

粵自太史氏叅訂方輿昭示宏業其記載形勝風土人物文章諸所覈實大都自郡邑始邑乘之由來舊矣然必前有爲傳後有爲繼文獻乃不至於有缺我國家運應龍飛奄有中外創業垂統奠麗河山迄我

聖祖仁皇帝天亶神靈垂裳六十餘年久道化成風醇俗美其仁育義正之普被已自浹髓淪肌矣欽逢我

皇上纘承

大統紹述休明舉凡文物典章自

會典條教以迄圖書律例諸籍靡不親加釐定悉求盡善爲

萬世模楷又復

申命各省大吏纂修通志以臻車書統備之盛由是所隸州

縣亦各搜羅載籍以俟合叅在邑乘之維繫誠非淺鮮也桃源爲常郡屬邑原隸武陵自有避秦紀事遂易今名且爲海內豔慕其形勝風土人物文章歷傳未嘗無志乃兵燹之後杳矣無徵賴有紫蘿羅公與前司牧陳汪兩公先後纂輯集成卷帖而桃源邑乘仍獲秩然可觀矣但其舉事一在乙巳之歲一在乙丑之紀其去今則又六十餘年與四十餘年之前事中間豈無缺置及應需增續以待繼起之搜求討論者適有紳士文君曉峯邑中之通儒也憑其素抱蘊積不憚夫續修之舉且毅然以爲己任因與其同志宿學熊君怡雲羅君慎菴搜輯遺聞折衷考較將有成局就商於余余方以試用

桃源縣志

卷首

原序

十

之命甫縮半通民事勞役不遑日昃實於此中探索之功尙須有待而文君等已勤勤是舉此誠先獲我心者矣抑余尤有說焉邑乘者吏治風教之所觀成也有不刊之書必先有不磨之跡余旣忝牧茲土其間之山川古蹟與夫農田水利戶口賦役士習民風以及忠孝節義所稱形勝風土人物文章者自必精詳畢達推類盡神務期治與時宜民安事易頑廉懦立毋忝先勞上可以端簡拜颺恭副

聖天子畱心民瘼之盛德下藉以觀型撫字得效良有司咸熙庶績之章程正在於此也豈第爲一時記載之虛文云爾哉是爲序知縣夔門王良弼瞿賓氏題

道光元年辛巳

主修 知縣譚 震

同修 教諭楊先鐸

訓導王步雲

總修 巴陵方 塋

纂修 邑人文運陞

文運昌

叙一

天下有物地載之古來有事史載之邑於地廩之一粒志於史身之一體也一體而賅乎疆域山川之界學校兵刑之制忠孝節義人物之英多金石詩賦藝文之閱

桃源縣志

卷首

原序

十一

富惟賢士大夫有牧民成俗之責者徵人事驗天運學也而政治繫焉自晉陶靖節有桃源之說或者以謂荒唐然逮宋乾德中且析武陵之屬而邑以建今讀泉明之詩曰淳薄既異源旋復還幽蔽俗之薄也其源未嘗不厚革其薄而返之使歸於厚此有道者能之易三百八十四爻稱仁者一復之初卽剥之上碩果不食是也當剥且極變而純陰於十月之卦屬亥先以亥從木爲核繼以子從果爲仁而泉之自山下出也其象蒙其基聖源焉耳然則靖節載筆豈不以人心俗尚之厚有取於桃之核中有仁而天一相生則在不泯其源以迄於盛大洪惟我

聖朝仁風遐邇常郡所屆稱盛於楚余按試道經桃源境環則
沅水拱則葦蘿高吾峙其東白馬踞其西遐阡繩直邇
陌如咫喟然嘆向之所謂無問津者由庚普化胥蕩平
也 篋園明府既蒞茲土三載政成人和百廢修舉慮
舊志之日就剝蝕也修輯之加詳焉烏虜夫亦可知政
也已 明府將以卓薦入都來請曰願有叙余樂其政
俗之厚而又願邦人士之恪承勿替也故爲發其端以
諗來者時道光元年歲次辛巳秋九月
賜進士出身 日講起居注官翰林院侍講教習庶吉士提
督湖南學政晉江許邦光撰

桃源縣志

卷首

原序

十二

叙二

邑之有志非徒辨疆域考沿革爲殫洽見聞之助也將
以覘風俗之純駁稽政教之得失示標準興勸懲治究
其本原澤遺乎久遠顧知此者難其人俗吏無論已卽
有一二賢明之宰或以塵勞鞅掌未暇及焉修而明之
因時而損益之犁然大備燦然可觀誠賢有司哉楚南
桃源縣志草創於明萬歷間康熙乙巳乙丑重修者再
至雍正己酉始成書距今九十餘年官斯土者不下數
十人未有增緝之者邑於明季爲用武之地闖獻二賊
先後據澧州侵邑境民鮮安處

國初蕩平疆土時又有吳應竒據辰龍關與官軍持久不

下四起烽煙軍書旁午人人講武以自衛故俗流於飄
悍而不自知舊志之成治平未久文獻無徵多闕而未
備覽者憾焉余守朗城之次年因公事至邑譚君篋園
爲邑宰相與披閱舊志按其圖記稽其人物慨然嘆曰
昔驅馳戎馬之場今環繞桑麻之植昔稱赳赳干城之
選今盡彬彬儒雅之林非

國家深仁厚澤涵煦於百數十年之久其能致此乎亟宜
書之簡牒以備輶軒之採時篋園方欲重修邑志聞余
言而躍然起也曰謹受命譚君名震篋園其自號雲南
永北廳人爲余同年張南崧銀臺典試所得土銀臺數
稱其賢余故未識面而心儀之下車相見懽若平生詢
之僚人及邑中紳士耆老以逮編氓無不稱令之賢者
知銀臺之非虛譽也履任三年遇事無苟且與民休養
生息訟獄以簡百廢具舉茲屆

計典余臚列其居官之實政以聞於上臺上臺以聞於
天子

詔許入覲志書適成請叙於余余覽其大槩約其旨趣援引
核實微顯闡幽於邑之風俗政教尤詳且悉焉其深得
化民成俗之要歟篋園歸美於文孝廉方明經輩編纂
之功余謂非主修者苦心孤詣不及此也時卸篆來郡
士民擔簦相送作詩歌文詞以揄揚美政者百餘人既
刊刻成帙他日宜列之志後以記一時之盛云道光元

年八月上澣

賜進士出身

誥授中憲大夫湖南常德府知府前禮部儀制主客二司掌印郎中隨帶加二級紀錄七次長洲彭希鄭撰

叙三

桃邑前漢臨沅縣地後漢建武中分置沅南縣自淵明作桃花源記或謂之仙源仙乎仙乎邑何由得此稱也淵明記殆寓言之今秋桃邑候譚公篋園以政最卓薦入都引

見謙奉檄委署任甫下車書呈邑志知係篋園修輯藉悉斯邑之疆域山川古蹟與夫農田學校戶口賦役士習

桃源縣志

卷首

原序

十四

民風以及忠孝節義莫不畢備固未侈言仙蹟也夫志爲紀載之書上自天文下至地輿惟中人事尤詳纍纍貫貫豈誇多鬪靡哉亦謂覽一邑之志卽可得治一邑之方茲桃邑舊志既無傳後雖纂修已隔百餘年若僅踵而成之因陋就簡不思人事日新而月異往迹世遠而年湮自非搜討舊聞綱羅散軼酌損益之宜而極體裁之善何與纂修觀斯志也殆所謂繼創爲因繼因爲創守此土者皆藉以知敷治之方矣余蒞桃六閱月熟察夫士習民情悉歸敦龐樸茂皆由我

國家

聖聖相承涵濡教澤之入人爲至深故雖地近苗疆而漸摩

日久淪浹益周吁何其盛也間嘗因公過各村見耕者
耕讀者讀 昇平無事坐見於桑麻阡陌之間雞犬相
聞優悠於安飽嬉遊之樂是又得之目覩神怡儼引人
入仙境也淵明記豈虛言哉卽謂桃源爲仙源可是爲
叙道光元年秋七月署桃源縣知縣丁外科舉人五涼
王德謙撰

叙四

禹貢詳山川不詳風俗豳風紀物產不紀人才魯史則
備及祲祥漢書則不遺雜傳其宏文奧義類皆治世之
猷而爲政者所當法今之縣令卽古之侯伯提封百里
因革何由而裁教養何由而興則非詳覽邑乘不爲功

桃源縣志

卷首

原序

十五

邑自淵明作記人爭艷之我

朝幅幘邁前古厚澤覃敷辟秦人久安樸誠矣第當滇黔
之衝明季遭燹火舊志無傳自康熙雍正間始纂修成
書及今又百餘年人事日新景物日盛生今不輯后將
焉考且舊志漫渙薄蝕竟無一字則雖有圖治者亦無
自執其樞戊寅歲余任斯邑閒覽周遭雞犬桑麻隨處
與淵明所記不殊又何必專指秦人古洞爲漁人所至
地哉但昔稱仙邑今號塵區又民多好訟治者難之竊
思直道而行今不異古因隨時隨事廣爲引喻民皆安
余之拙而爭訟之風稍息且科第蟬聯義行鵲起又

聖宮書院塔功義渡下及橋梁道路皆樂輸成功則更宜志

乃就文孝廉昆仲所抄本延通家方冉亭纂修余定其成於鞅掌之餘自庚辰春至辛巳夏告竣絕者復續隱者俱顯洞天福地幽壑竒峰按圖可考也義夫節婦孝子忠臣睹名知興也戶口賦役農田學校秩然若立畔也碑銘篆刻詩歌文辭燦然若披錦也前人之墜緒益明後人之考稽有據於以備輶軒之采於以啟勸懲之心弔古者懷伏波之孤忠覽勝者識梁崧之遺愛斯足爲治譜也哉雖然古稱移風易俗類非俗吏所能爲余日事簿書望古循吏而多慚且履任三載又將北上桃之士民其果能遵吾教令互相勸勉直使戶盡可封勿負我

桃源縣志

卷首

原序

十六

朝重熙累洽及各大憲化民成俗之至意則此志亦至道之權輿又豈特掇巍科取顯宦爲人才輩出之徵哉至詳畧異同已載各條中不贅錄是爲叙道光元年辛巳敕授文林郎知常德府桃源縣事戊辰科同考試官加十級紀錄十四次卓異侯陞滇西譚 震撰

叙五

壬午冬縣市火月黑風颳延燒書坊新修縣志版盡燬適余以編查保甲勸捐義穀回巡役奔告乃向天禱條轉西北風火及衙署頭門而止雖官民無恙而百年再修之邑乘合邑人三年之心力竟付一炬豈六丁取將耶抑尙多卮漏也客慰之曰赤烏流瑞大啟周文白雀

集車再增秦篆南離炎上先生自此升而邑之士大夫亦必有炳炳烺烺爲邦家之光者又何必悵然哉余曰否否余於戊寅下車卽與紳耆謀修縣志誠見邑之風景與靖節所記不殊而習尚則迥與古異數百年來豈無移風易俗卓然不朽之吏治而竟泯滅無傳致淳古之民盡成澆薄上負

聖天子教養深心此余所以急於鐫修也余去此甫九月今盡爲灰燼非此邦之人不幸時予之辜客乃啞然笑蹶然起揖余而前曰聆子之言深得其故矣子去此九月復任又期年且無論志成之後邑之節婦孝友文人耆壽取次申報神祠報賽橋梁舟楫接續修建也而最可

桃源縣志

卷首

原序

十七

垂諸久遠革薄從忠返民俗於淳古者莫如吾子之編查保甲捐置義穀二大端天其或因桃邑之志已成而未載此二端又預知吾子之去此而二端隨以泯滅故命熒惑收其版以期子之重鐫補錄也余曰有是哉天不可知而重鐫補錄期桃民老有所終少有所長平居無盜賊之警水旱得倉儲之備漸返淳古是則余之志也乃督首士捐錢六百緡閱六月而刻工告竣保甲義穀志特詳前所未備及三年內應續者俱附各卷末古云天理常存人心不死雖經劫火而不壞吾願桃之人長存此革薄從忠之心則此志卽千萬年不朽可也時余升任永順撫民同知瀕行爲之序

授奉政大夫湖南永順府撫民同知卸任常德府桃源縣知縣戊寅辛巳科同考試官滇南譚震篋園氏序

道光三年仲冬月穀旦

叙

志爲史體之一而方志則賅史之全體非三長兼擅未爲完書近代如武功靈壽諸志卓有體裁尙矣余幼聞會稽章實齋先生之論謂之乘雖限於方隅然紀表志傳須畧仿史裁視其地之劇易叅變通焉方可備一邑之掌故而爲史家所取材及觀先生所成之永清志和州志信然亦戛戛乎難哉篋園譚君宰桃源之三年以縣志百餘年未修懼後無所考殷勤編輯於道光元年

桃源縣志

卷首

叙

十八

辛巳夏勒成一書付諸剞劂告成未幾旋燬於火篋園復度材鳩工重加鐫刻旣蕝事請序於余會余將有閩海之行而篋園亦政成報最擢任永順司馬宦轍分馳後會茫茫篋園盡心文教之意不可沒而余與篋園踪跡離合亦不可弗誌也故爲序其緣起如此至書之體例及續有增加之文備載篇章覽者詳焉

道光四年正月福建汀漳龍觀察使前常德郡守膠西張會靄撰

跋一

方 堃

志本於史而實原於經叅於子言志而不衷諸經與子非善言志者也是故羲和崑命渾天三家分野之始也

禹貢職方山經水注疆域之始也誌法制則周禮先之誌吏治則春秋肇之若夫春秋詳記忠孝節義之倫則又人物之昉也尙書文奧風雅句韻藝文之祖也十翼附序卦雜卦左氏有外傳拾遺之目也是故善言志者必踪經而翼以子余師篋園譚夫子以經術爲吏治所至有循聲尤急急於修舉廢墜闡發幽渺戊寅令桃以纂輯志稿囑余余謂不宗經子不足以當夫子之心因就正合符乃操觚從事法制之法周官以吏戶禮兵刑工爲序則用其大綱吏治之宗春秋以編年紀述則效其細目山水法禹貢山經水經則并效其辭物產法爾雅則半叅其製至於全書統以疆域政治人物藝文四

端則又本於朱子儀禮經傳通解之例其他師其意不必效其體而要無不衷諸古籍之遺稿有差謬夫子輒塗乙之楊木菴王槐齋兩年伯又復是此推討反復一稿或三四易蓋自戊寅迄今三秋舟車風雨未嘗不與俱也惟夫新採人物眞贗難辨余不若本邑人之熟諳文印山朱雨林兩君實分任之至明以前賢才遺逸余亦旁搜不敢謝因憶髫年有嗜經癖讀山經桃山輒妄意爲淵明所記及讀史漢至馬援廖立之英傑讀酈句至壺頭平山之竒且秀又未嘗不神往於其間前年來桃足之所履皆向之所講習豈其有夙緣耶書成序其梗概如此至於振勵風化裨益治道夫子序之綦詳□

不贅

跋二

楊先鐸

邑之有志非徒記山川之秀土物之美文章術業之怪變神奇所以崇德右賢正人心厚風俗使觀者咸有所感發以興起其爲善之心亦守土者化導之一助也桃邑自紫蘿修誌後百餘年未有繼者原書亦簡畧間多舛謬篋園明府惜其殘缺並念忠臣孝子義士節婦久湮沒於泉壤無以教不善而勸善乃延公戊辰所得士冉亭方副貢纂修之方君性敏捷博學強記是舉也分野星度皆手自成圖校正無遺而於山水源流關隘道里遠近獨詳做山水經體要人或疑之者余以爲山

桃源縣志

卷首

跋

二十

經首五山通紀天下之山次海外四經紀五山近外之國海內四經紀五山近內之國次大荒四經又補五山近外之國終海內經又補五山近內之圖水經首河水篇前自河而北後循河而南末附山澤又補南北所遺提綱挈領經緯秩然明西安應侯武陵志以沅漸爲綱他水爲目亦本禹貢水經方君非臆造也或又疑志宗史漢紀傳今參編年體不知函史一書半記傳半編年其來已久且近世郡邑志亦有并事記襍祥戰守爲一門用編年法者特規模未備耳是皆無所疑也且其意不在此紀星卜災祥也方域限疆界也山河村鎮識險要也戶口賦役贍富庶也官宦人物美政事嘉文學也

而有裨於人心風俗尤在忠孝節義之有所觀感而興起焉夫忠孝出於士君子之林傳不傳不爭其名而傳之者固不以名而以實節烈出於婦人女子彼未嘗不欲人知以代白其純一不二艱難辛苦之隱方君兢兢詳慎必使舉不濫採不遺蓋遺則隱德不彰不足以表爲善之苦衷而動人以好善之意濫則奸德慝其列不足以安實心爲善之英靈而起人以飾非文過僥倖詭譎之私顯潛德於身後勸修德於生前其於人心風俗之所關非細故也讀是書也忠孝節義之心可以油然而生矣

跋三

王步雲

桃源縣志

卷首

跋

二十一

蓋聞善作者功在創善後者功在因創與因無二旨也有實跡而特書之未嘗出自臆度斯創中之因有成編而增削之原屬確有見聞斯因中有創伊古來載籍若林所以闡前光而垂奕葉者類如斯也惟志亦然雲自嘉慶十五年夏分司桃鐸接多士之容止宛見古風覽山川之靈竒勝槩隨取縣志稽累年之所紀載攷數代之所流傳其表見皆不虛焉顧志昉自羅公人琮倡修至今百有餘歲或不免風雨蝕之蠹魚侵之而其中亦有刪所應刪補所宜補者會屢商前明府相期續刻旋因斯邑公事孔冗修舉不停歲募捐不停時工匠不停役夫衆之趨負不停勞彼都人士同心同德皆駸駸乎

告厥成功而於斯志仍束之高閣未果也戊寅夏譚公
篋園來莅茲土從簿書鞅掌之暇於一切公舉或勦其
成或補其缺固已備殫勤勞而於縣志尤加意續修用
是集紳耆糾衆力聘名師揮巨手維時總修分校諸分
按地臚跡不近蔓荒據事直書無稍徇護有前志所畧
而縷其本末者有前志所詳而節其繁冗者有前志所
旌而去其瑣屑者有前志所漏而表厥聲稱者其於忠
孝節義爲風教所重關仁壽雍和見德澤之深厚者尤
爲之鄭重提唱於以敦世道而振人心覩斯志也靈洞
發幽室之光仙源無遺珠之歎即謂垂千百世而無以
加可也抑猶有說桃邑代有秀良世多靈瑞白馬晴波
之所盪漾蓁蘿佳氣之所鍾毓月異而歲不同知更有
竒士竒踪踵興於山巔水湄間者未嘗不思附青雲而
共顯綴驥尾而齊鞭則有待於後之君子著述繼起之
力也是爲跋

凡例

一志乘自分野建置至藝文拾遺不下二十餘門原本三通例也然二十餘門統之不過數大端今編爲四大門而諸條統焉曰分野建置界域形勝山川村里戶口風俗氣候物產田賦此地利之自然也故統諸疆域曰官制積貯蠲卹學校鄉飲祀典兵制刑法工役職官名宦災寇武功事紀此人事之當然也故統諸政治曰選舉列傳忠孝節義流寓伎藝方外之屬統諸人物則地靈政通之效也曰著述金石文賦詩詞統諸藝文則所以發明疆域政治人物之盛也其應圖者圖諸卷首其附存者爲拾遺於後振衣挈領較易披閱亦紀事提要之意云

桃源縣志

卷首

凡例

一

一各志有先分野而後建置界域者天先於地之義也有先建置界域而後分野者建置界域爲一邑所專而分野所統實寬志主記地天祇附見也然考古人封域必先土圭測影而分野建置皆因以殊故先以測影而後次及分野次及建置界域旣不病於泛指又不戾於先天後地之意實參二家之長

一天文分野北極高度舊史祇載各府度數而各縣不詳唯乾隆間旌德劉茂吉深於西法定各縣高度備著桃邑之數今錄之以便覽至分星有古有今無古無今有者各志祇據明史以別於古度然乾隆嘉慶來又多改易此天道變化自然之數也又前志祇論經差而不及緯差茲俱據

西法錄其大畧云

一界域不明則諸條易紊人但知西漢桃屬臨沅而不知東漢六朝雖屬沅南亦兼臨沅今以六朝水經註參之歷有明證且晉末黃道真住臨沅乃今桃源地尤其明證則李陵廖立葛鴻臚諸人不入桃志者疎矣至唐及五代桃號武陵縣故唐狄中立爲武陵判事而作桃源山界碑則李善夷崔嗣業諸人不載邑之名宦韓約周行逢不列邑之人物亦疎也今爲考正名宦人物庶鮮遺漏

一誌山始於禹貢而詳於山經誌水始於禹貢而詳於水經山經水經條理詳密實爲千古輿誌之宗邑志鮮法之唯明應氏武陵志誌水畧用其意而尙未詳備今誌山概用

桃源縣志

卷首

凡例

二

山經體誌水概用水經體亦脩古不忘其初之意云

一山川稱名互易音訛字誤有古盛稱而今不識所在者有古無稱而今標勝蹟者顯晦有時未易核實至里數約計尤易參差今詳稽博訪考正者若干條具各條中

一山川下舊有古蹟門然古蹟卽在山川城池寺觀亭臺金石中旣散見各門不復另標以免複贅池井附水後亦不列別門

一有山川而後有坊村戶口有村戶而後有風俗方言村之遠近戶之多寡風俗方言之變皆蒞是土者所宜熟諳故詳而不汰

一節序氣候各邑不同而物產因之以異物產爲民生食用

之原註記宜詳非徒資博識於鳥獸草木也或謂過詳嫌類抄寫本草不知土產之詳固有本草所不備方志誌之足備後人採取者觀山經詳誌草木鳥獸則可見矣茲故從詳云

一有物產斯有田賦田賦雖政治之大端然必如儲積蠲恤乃係惠政至有是田卽有是賦祇疆場中所自具耳故不列政治門而列疆域之末

一古書記政治者大約二端周禮記治民之法春秋記治民之績也周禮天地春夏秋冬六官後世上而六部下而州縣六科猶用其意春秋則史家用之今於政治門中分二大類前半部以吏戶禮兵刑工爲序歷代治民之法自王

桃源縣志

卷首

凡例

三

朝頒於各縣者也後半部以編年爲紀治民之績自周漢迄於近代者也是故官制職守列於吏積貯蠲卹之惠列於戶學校鄉飲祀典列於禮兵制屯田俸餉列於兵刑律刑具列於刑城池壇廟宮室坊表橋渡渠洧關隘義冢差徭驛過列於工而職官名宦災寇武功政事統於編年悉昉周禮春秋之意也

一刑法一條似爲創例然關於政治辟以止辟不容不紀且歷代大政不宜闕也

一舊志不載陵墓以桃無帝王古陵也府志則載顯宦墳及義冢今不載陵墓從舊志而義冢載之從府志云

一周禮古注云外史四方之志如魯春秋之類則古志固編

年近志鮮編年者然常德志以編年記大政東陵志以編年紀寇警災祥事紀亦參春秋意也今將職官姓字美政豐功并災寇戰守合於編年以綱統目以目從綱用存古體昔史漢用紀傳荀悅始復編年史體論者韙之卒爲溫公紫陽所取法今之編年亦猶行古人之志哉

一職官名宦惠政巨典代遠年湮常病亡闕今參稽軼藉殘碑斷碣較新舊府縣志共增六十餘人或得其人并得其事或未得其事而得其人或舊有其人而今獲其事並存簡牘用慰九原

一人物一門選舉則年遠者科目多紊且多漏佚今於載籍可搜者悉補正之否仍從闕

桃源縣志

卷首

凡例

四

一列傳自忠烈篤行藝林隱逸流寓節孝貞烈之儔皆風化攸關然不遺不濫當先責諸採訪安陽志將某人所採各註本條之下爲功爲過不能自掩是亦責任採訪之法也今用其例

一伎藝方外無甚關係然成書自當備體故諸史皆錄亦太史公不遺日者滑稽之意也今亦附存至其間孰輕孰重必有能辨之者

一藝文各史祇載著述書名各志錄及詩文蓋史紀天下之事不得不簡志紀一邑之事不妨從詳雖邑中亦有著述不得遺之然或以旣錄著述遂欲盡棄詩文則其關於一邑之古蹟風土政事者闕焉莫考非通論也今故首著述

次金石詩文庶幾兩得云

一著述一道千古難言但邑志與通志統志不同寧詳毋畧
一金石自鄭樵通志已開其例蓋金石古器鐘磬之類既可
考歷代宮懸各朝尺度爲制作家所必須其文義古或資
考核其字畫古或可臨摩所以前人重之志乘亦多備此
體桃邑頗有數百年物今具此門并及近代佳者以今日
之佳碑卽異日之古碑也鐘磬關禮樂不區區以文字見
而亦列藝文中者和聲鳴盛卽郁郁之文也

一詩文所以闡道宣教有關風化非特取其富麗也然搜羅
甚難今旁徵佚籍如六朝王僧虔檀珪書唐韋乾度石壇
記狄中立山界碑之類則增於舊志至近代詩文苟切本

桃源縣志

卷首

凡例

五

邑亦皆採錄然或巖穴深藏四方郵傳未便未得盡見者
挂漏之端恐終不免閱者諒焉

一拾遺一門乃拾全部之遺凡荒渺存疑以及事不甚要正
志中不能備及者悉列其中其間亦有足資考訂者非特
矜奇鬪靡也

譚 震又識

桃源縣志目錄

卷首

序 原序 纂修姓氏 凡例 目錄 圖象 分野全

野翼星圖市軫星圖北斗三台應楚圖鄉村全圖

西至全圖 南至全圖 桃源洞圖 縣治全圖

署圖

卷之一

疆域考

分野 星日影 極影 偏西 分星 建置

沿革 歷代 界至 形勝

卷之二

桃源縣志 卷首

目錄

一

疆域考

山 南山 東山 西山 北山 川石河所會漸水

池所會附 景外 八景 新編 合八邑 十二景

卷之三

疆域考

坊村 戶口 風俗 方言 氣候 序十二月節 物產

穀菜 禽木 蟲草 金花 石竹

卷之四

疆域考

田賦 歷代 當賦 雜稅 額 起運 更名 田驛 站屯

存畱 雜吏 均

卷之五

政治考

吏之屬

官制
官箴
歷代

戶之屬

惠政
救荒
積貯
養

濟院所
育嬰堂
局
普濟堂
卹堂

禮之屬

學校
上職
師

學規
載籍
贊碑
碣

卷之六

政治考

禮之屬

學校
下望

行祭
香器

禮器

樂器
常數

陳設
圖朔

鄉賢祠
祭儀
崇聖殿
祭儀
附八音
至聖誕辰
儀樂附舞

亞聖
誕辰
鄉飲酒儀
注歷代
樂譜儀

鄉射儀

賓興儀

卷之七

桃源縣志

卷首

目錄

二

政治考

禮之屬

祀典
壇儀

社稷
先壇
農儀

風雲
雷雨
儀山川

常雩
雩

壇儀
厲昌壇
廟儀
○關聖廟
儀名宦鄉賢
儀忠孝龍節
王義

廟儀
火神廟
呂祖閣
儀祈晴儀
迎春儀
城

兵之屬

兵制

歷代
弓兵
防守
屯田
軍器
俸餉
汛

民壯
兵餉

刑之屬

律頒

刑具
恤囚

卷之八

政治考

工之屬

工役營制

○城池
社稷

附石櫃
風

古城
雨山川

制先農壇
明倫堂
雩壇
義制
孝弟
烈女
節孝
祠廟
靈制

聰祠閣
敬江一
神亭廟
制學田
火神廟
制制城
隍廟
制制呂

制閣蘇公祠舊祀東嶽民間寺觀伏波廟制署陶靖學廟
署鄭家驛書署院新附店武驛場署把書總院署典書院捐署置廢
火田○地公館捐當馬田棚變倉庫息監田獄新○坊書院膏文
星隄渠宮室亭閣關隘橋梁義豕津渡
差徭官舖渡遞
甲渡排夫里

卷之九

政治考

職官事紀表 吏治編年上

卷之十

政治考

吏治編年下

桃源縣志

卷首

目錄

三

卷之十一

人物考

選舉貢薦武辟榜進武士功舉援人例副封榜典拔恩貢廕恩歲

卷之十二

人物考

列傳 隱吏逸材 方忠伎烈 壽孝民友 附義流行寓篤附行方外藝林

卷之十三

人物考

列女 婦節貞孝女 烈壽婦 賢

卷之十四

藝文考

著述

子經
集史

金石

各寺古鐘

詩古銅器

卷之十五

藝文考

文

記詔制

卷之十六

藝文考

文

引序

卷之十七

藝文考

文

傳書碑考墓誌銘說賦

卷之十八

桃源縣志

卷首

目錄

四

藝文考

詩

七言樂古府

五五言律古

卷之十九

藝文考

詩

五言七絕句律

七五言絕排句律

六七言排詞律

卷之二十

拾遺人

拾天事
拾地文
拾

跋

圖象

古聖人仰觀俯察以成天下之務故左圖先於右史邑雖彈丸而分野以察稔祥山川以知遠近以及城郭宮室市坊橋梁有關政體守上者率以是為興利除弊之資使必登臺以望記里以觀則廢事為懼故欲一邑之內瞭如掌紋則圖象不可少矣桃邑屬楚翼軫而舊圖不及北斗五車三台十二國並不及經緯之度今遵新法證古編補之地圖則因舊而窮源溯流辨訛刊謬均以目治

聖宮公署亦因舊而增革異制者均圖於首庶後之宰是邑者展卷了然不必遍訪閭里而治道於是具即賢士大夫採風問俗無事問津而仙源真境閉戶可得矣志圖象


桃源縣志


卷首

圖象

一

地於天中彈丸耳邑又彈丸中之彈丸然一邑之內影有短長極有高下星有專屬矣嘗考衛豳詩圖百里之內影有一各變周禮制邦國之域皆測土圭紀分星故并圖之






高日漸在南則漸低數百畧漸一寸數十里當在北一故分北圖之望以畧
 宮見其古不應土圭者不盡圖也至翼軫諸星方位皆遵新法過

桃源縣志

卷首

圖象


分野翼星圖



西法翼初度至十六度止第一星在赤道南十六度奇東
 甌五星古有今無者不復繪入青邱七星古無今有者亦
 為增入與步天歌軫宿下之青邱不同也至星體橫斜疎
 密悉依西法距度之數旁畫方格格當三度縱橫計之即
 得各星距度矣距度不明星野終混故謹焉又赤道外天
 體弧弦度當斜計可做此推

翼下海山等星在南極周圍三十六度之內中州弗見故
 古書不載近人南至海濱見之故載於明史常德府北極
 高二十九度較中州北低七度則南星高出七度按圖可
 見海山故增繪之至小斗九星南船五星廣海見而常桃
 不見者亦弗繪也

軫星圖




西法初度至十一度止去赤道十六度奇為軫第一星而軍門二星器府三十二星古有今無者不復繪也明志軫下有青邱三星今考西法無之亦不復繪
 十字馬尾共七星亦古書所無而近人驗得於海濱者按圖畧高常桃可見故增繪之其下更有蜜蜂四星低甚弗見亦弗繪也



北斗三台應楚分圖

北斗權衡星應楚三台上台第二星應楚

五車應楚分野圖



五車□□南星應楚


桃源縣志


卷首

圖象

五

天市女宿應楚分野圖





桃源縣志

卷首

圖象






桃源縣志

卷首

圖象






桃源縣志

卷首

圖象

九






桃源縣志

卷首

圖象






桃源縣志

卷首

圖象







桃源縣志

卷首

圖象






桃源縣志

卷首

圖象







桃源縣志

卷首

圖象

十四






桃源縣志


卷首

圖象

十五



桃源縣署圖



桃源縣志

卷首

圖象

十六

